

Cofio

2020



Gwasanaeth wrth y
Gofeb Rhyfel
a'r
Deial Haul Coffa
ym

Mhencadlys Heddlu De Cymru,
Pen-y-bont ar Ogwr

Dydd Mercher 11 Tachwedd, 2020 am 10.50am

Heddlu De Cymru • South Wales Police

Wrth y Gofeb Rhyfel

*Prif Gwnstabl
Jeremy Vaughan*

CROESO

*Y Parchedig Gwplan
Glynne James*

Rydym wedi ymgynnull yma heddiw ym mhresenoldeb yr Hollalluog Dduw i ddiolch iddo ac i goffáu aberth y rhai a fu farw dros ein rhyddid ni.

Amen

DEFOD Y COFFA

YR UTGORN OLAF

Y DISTAWRWYDD

REVEILLE

YR ANOGAETH

Prif Gwnstabl

Ni heneiddiant hwy, fel ni, a adawyd:

Ni ddwg oed iddynt ludded, na'r
blynyddoedd gollfarn mwy.

Pan elo'r haul i lawr ac ar wawr y bore,

Ni â'u cofiwn hwy.

A phawb i ailadrodd:

Ni â'u cofiwn hwy

GOSOD Y TORCHAU

BEDDARGRAFF KOHIMA

Prif Gwnstabl

Pan ddychwelwch adref,
dywedwch hyn amdanom ni,
mai er mwyn eich yfory chwi,
rhoddasom ein heddiw ni.

DARLLENIAD

IOAN Pennod 15 adnod 12-17

Comisiynydd

Heddlu a Throseddu

De Cymru

Alun Michael

Dyma fy ngorchymyn i, carwch eich gilydd fel y cerais i chwi.

Nid oes gan neb gariad mwy na hyn, sef bod dyn yn rhoi ei einioes dros ei gyfeillion.

Yr ydych chwi'n gyfeillion i mi os gwnewch yr hyn yr wyf fi'n ei orchymyn i chwi.

Nid wyf mwyach yn eich galw'n weision, oherwydd nid yw'r gwas yn gwybod beth y mae ei feistr yn ei wneud. Yr wyf wedi eich galw yn gyfeillion, oherwydd yr wyf wedi gwneud yn hysbys i chwi bob peth a glywais gan fy Nhad.

Nid chwi a'm dewisodd i, ond myfi a'ch dewisodd chwi, a'ch penodi i fynd allan, a dwyn ffrwyth, ffrwyth sy'n aros. Ac yna, fe rydd y tad i chwi beth bynnag a ofynnwch ganddo yn fy enw i.

Dyma'r gorchymyn yr wyf yn ei roi i chwi: carwch eich gilydd.

COFIO'R AIL RYFEL BYD

Gareth Madge

Roedd yr Ail Ryfel Byd yn ryfel byd-eang gwirioneddol arweiniodd at farwolaeth miliynau o bobl, gan gynnwys milwyr a sifiliaid.

Er gwaethaf yr anawsterau a achoswyd gan bandemig Covid-19 eleni, dathlwyd diwedd y rhyfel ar Ddiwrnod VE ym mis Mai a Diwrnod VJ ym mis Awst.

Wrth i ni gynnal Gwasanaeth y Cofio eleni, cofiwn am swyddogion yr heddlu o heddluoedd rhagflaenol Heddlu De Cymru a wnaeth yr aberth eithaf yn ystod y rhyfel.

Roedd 48 ohonynt o Gwnstabliaeth Morgannwg, Heddlu Dinas Caerdydd a Heddlu Bwrdeistref Abertawe.

Roeddent yn gwasanaethu yn y Llynges Frenhinol, y Fyddin a'r Awyrlu Brenhinol, yn ogystal â'r Llynges Fasnach. Bu farw rhai ohonynt ar ddyletswydd fel swyddogion yr heddlu.

Mae eu henwau'n ymddangos ar gerrig beddi a chofgolofnau ym Mhrydain, Ewrop, Tiwnisia, Maleisia, Byrma, Canada a'r Unol Daleithiau.

Dyma hanes un ohonynt. Mae'n ymwneud â'r Kohima Epitaph, y soniwyd amdano eisoes yn ein Gwasanaeth heddiw.

Roedd Godfrey Howard Stenner o Gaerdydd ac yn aelod o Gwnstabliaeth Morgannwg.

Yn ystod y rhyfel, bu'n gwasanaethu fel Milwr Cyffredin ym Mhedwerydd Bataliwn Catrawd Gorllewin Caint Brenhinol y Frenhines.

Fel rhan o Adran yr India, chwaraeodd y Bataliwn ran bwysig ym Mrwydr Kohima yn 1944. Roedd yr ymladd yn arbennig o filain, ond roedd yn hollbwysig er mwyn atal byddin Siapan rhag ymosod ar India.

Cafodd Godfrey ei ladd ar faes y gad ar 9 Ebrill 1944. Roedd yn 22 oed.

Nid oes ganddo fedd hysbys a chaiff ei goffáu yng Nghofgolofn Rhyfel y Gymanwlad yn Rangoon.

Mae ei enw hefyd yn ymddangos ar Gofgolofn Heddlu Morgannwg, yma ym Mhencadlys yr Heddlu.

Fodd bynnag, roedd yr Ail Ryfel Byd yn wahanol i'r Rhyfel Byd Cyntaf mewn sawl ffordd, gan gynnwys nifer y marwolaethau a'r holl dministr a achoswyd wrth i'r Almaen fomio Prydain.

Bu farw swyddogion yr heddlu o Dde Cymru oherwydd gweithredoedd y gelyn.

Yn Abertawe, cafodd y Rhingyll William Bolton Flitter a'r Cwnstabl Jack Harold Jenks o Heddlu'r Fwrdeistref eu lladd wrth i'r dref gael ei bomio.

Ac yn y Rhondda, roedd Cwnstabl y Rhyfel Wrth Gefn, William George Davies, a'r Cwnstabl Gwirfoddol, Clifford Stanley Higgs, ymhlith y rhai a fu farw wrth i fomiau'r gelyn syrthio ar Gwmparc.

Rydym yn cofio pob un ohonynt. Ni chaiff eu haberth ei anghofio fyth.

Caplan

Gadewch i ni gofio gerbron Duw, ac ymddiried
i'w ofal sicr:

y sawl a fu farw dros eu gwlad mewn rhyfel;
y sawl yr oeddem yn eu hadnabod, a'r sawl
rydym yn trysori'r cof amdanynt;
a'r sawl sydd wedi byw a marw i wasanaethu
dynoliaeth.

Boed iddynt orffwys mewn heddwch a dyrchafu
mewn gogoniant.

GWEDDI HEDDWCH

Caplan

O Dduw Nefol, cyflwynwn i ti raniadau
dwfn ein byd.

Rho yng nghalonau pobl ysbryd edifeirwch,
maddeuant a chymod,

Fel na fyddant yn amau nac yn ofni ei
gilydd mwyach,

Ond yn dod ynghyd mewn dealltwriaeth,
fel y gallant drwy undod eu diben
geisio ffordd heddwch;

Drwy Iesu Grist ein Harglwydd.

Amen

Caplan

Ein Tad, yr hwn wyt yn y nefoedd,
sancteiddier dy enw;
deled dy deyrnas;
gwneled dy ewyllys;
megis yn y nef, felly ar y ddaear hefyd.
Dyro i ni heddiw ein bara beunyddiol.
A maddau i ni ein dyledion,
fel y maddeuwn ninnau i'n dyledwyr.
Ac nac arwain ni i brofedigaeth;
eithr gwared ni rhag drwg.
Canys eiddot ti yw'r deyrnas,
a'r nerth, a'r gogoniant,
Yn oes oesoedd.
Amen

Y FENDITH

Caplan

Ewch ymaith i'r byd mewn heddwch, byddwch
yn ddewr, daliwch yn dynn yn yr hyn sy'n dda,
na roddwch ddrwg am ddrwg i unrhyw un.
Cefnogwch y gwan, helpwch y rhai trallodus i
garu a gwasanaethu'r Arglwydd a boed i ras ein
Harglwydd Iesu Grist, a chariad Duw a
Chymdeithas yr Ysbryd Glân fod gyda chi a
phawb rydych yn ei garu, yn awr a hyd byth.
Amen



Wrth y Deial Haul Coffa

DEFOD Y COFFA

Caplan

Down at y Deial Haul Coffa i gofio gerbron Duw ein Tad bob un a garwn, ond nas gwelwn mwyach, a fu farw wrth wasanaethu Heddlu De Cymru, ac i ddiolch i Dduw am eu bywydau a'u hymroddiad.

MEMORIAM

Caplan

O Dduw graslon, helpa ni i wrando'n gariadlon ar dy Air, fel y cawn gysur yn ein galar, goleuni yn ein tywyllwch, a ffydd yng nghanol yr amheuaeth; drwy Iesu Grist ein Harglwydd.

Amen

RHUFENIAID Pennod 8 adnod 31-39

Caplan

Os yw Duw o'n plaid, pwy sy'n ein gwrthwynebu? Ef nad arbedodd ei Fab ei hun ond a'i rhoddodd i bob un ohonom, oni fydd hefyd yn rhoi popeth gydag ef i ni? Pwy a ddwg gyhuddiad yn erbyn etholedig un Duw? Duw sy'n cyfiawnhau; pwy fydd yn condemnio? Ai Iesu Grist, a fu farw, ie a gododd o'r meirw, sydd ar ddeheulaw Duw, sy'n eiriol drosom? Pwy a'n gwahenir rhag cariad Crist? Ai trallod, neu ofid, neu erledigaeth, neu newyn, neu noethni, neu berygl, neu gledddyf? Fel y mae wedi'i ysgrifennu,

“Er dy fwyn di fe'n rhoddir i farwolaeth drwy'r dydd, fe'n cyfrifir fel defaid i'w lladd.”

Na, yn yr holl bethau hyn rydym yn fwy na choncwerwyr drwyddo ef a'n carodd ni. Oblegid rwyf yn si r na all bywyd na marwolaeth, nac angylion, na thywysogaethau, na phethau presennol, na phethau i ddod, na phwerau, nac uchder na dyfnder, nac unrhyw beth arall yn yr holl gread, ein gwahanu oddi wrth gariad Duw yn Iesu Grist ein Harglwydd.

GWEDDI AR GYFER YR YMADAWEDIG

Caplan

O Dduw trugarog, a roddodd yn dy garedigrwydd gymaint o lawenydd i ni drwy dy weision ymadawedig; diolch amdanynt ac am ein hatgofion amdanynt. Rhoddwn glod i ti am dy ddaioni a'th drugaredd a'u dilynodd bob diwrnod o'u hoes ac am eu teyrngarwch yn y tasgau y galwaist hwy i'w gwneud. Sancteiddiwn di am fod gorthrymder y byd hwn drosodd iddynt hwy a bod marwolaeth wedi dod iddynt; rhoddwn hwy yn ôl i ti ein Harglwydd a gweddiwn y byddi'n dod â ni gyda hwy i lawenydd dy deyrnas berffaith, drwy Iesu Grist ein Harglwydd. **Amen**

GWEDDI AR GYFER Y RHAI SY'N GALARU

Caplan

Dduw Tragwyddol, gweddiwn dros bawb sy'n galaru, cysura a chefnoga hwy a'u cynnal. Helpa nhw i wybod dy fod bob amser gyda hwy ac i beidio meddwl am dywyllwch marwolaeth, ond am ogoniant bywyd tragwyddol gyda thi. Gweddiwn hyn yn enw Iesu. **Amen**

GWEDDI AR GYFER YR HEDDLU

Caplan

Dduw hollalluog, cyflwynwn i ti mewn gweddi y sawl sy'n gyfrifol am gynnal cyfraith a threfn yn ein gwlad yn enwedig aelodau'r gwasanaeth heddlu.

Rho iddynt ffydd, gobaith, dewrder a doethineb i gyflawni eu dyletswyddau'n gyfiawn a thosturiol heb ofn na ffafiaeth, fel y gellir diogelu'r dieuog, dwyn drwgweithredwyr i gyfrif, amddiffyn hawliau pawb, fel y gallwn fel cenedl fwynhau bendithion cymdeithas gyfiawn, rydd a heddychlon.

Gweddiwn hyn yn enw Iesu. **Amen**

Prif Gwnstabl

Comisiynydd

Heddlu a Throsedd

De Cymru

GOSOD Y DORCH WRTH GOFEB Y DEIAL HAUL Y FENDITH

Caplan

Dduw, rho ras i'r byw; rho orffwysfa i'r ymadawedig, a rho fywyd tragwyddol i ni a'i holl weision; a boed i sancteiddrwydd Duw'r Hollalluog, y Tad, y Mab, a'r Ysbryd Glân fod gyda chi a thrigo ynoch bob amser. **Amen**

Gwasanaeth Coffa 2019







